



gazeTi gamodis  
1931 wl is 5 ianvridan

# კ ლ ი მ ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება  
ფასი 20 თეთრი

## ყაჩაღობამ ჩონატაურიდან ოგურბეთში გადმონაცვლა

გაზეთი „ალიონი“



9 დეკემბერს, გურიაში მორიგი ყაჩაღობის ფაქტი სოფ. გოგოფში დაფიქსირდა. ბოროტმოქმედებმა შაქრო აბაშაძის ოჯახი დააყაჩაღეს.

ბოლო ორი თვის განმავლობაში ჩონატაურში ექვსი ყაჩაღობა მოხდა, აქედან ბოლო შემთხვევას 4 დეკემბერს, საღამოს 8 საათზე სოფ. გოგოფისუბანში ჰქონდა ადგილი. გურამ სიხარულიძის ოჯახში ყაჩაღების „სტუმრობისას“ მხოლოდ 69 წლის დიასახლისი იყო სახლში. ბოროტმოქმედები ფულს ითხოვდნენ და სასურველის მისაღწევად, სასტიკად სცემეს ოჯახის დიასახლისს, რომელიც მრავლობითი დაზიანებებით, შემდგომ ჩონატაურის საავადმყოფოში მიათავსეს.

მიუხედავად იმისა, რომ ყველა დანაშაული ერთი და იგივე ხელწერით მოხდა ბოროტმოქმედთა სამკაცრიანი ჯგუფის მიერ და გურიის სამხარეო პოლიცია ჩონატაურში იყო მობილიზებული, გავრცელებული ინფორმაციით კი, მათ საქართველოს შინაგან საქმეთა სამინისტროს სპეციალური ჯგუფიც დაემატა, საქმეები ჯერ-ჯერობით გაუხსნელია.

შაბათს დილით, ოზურგეთლები შემოვიდნენ გამოხატავდნენ ყაჩაღობის მორიგი ფაქტის შესახებ. 9 დეკემბერს, ოთხკაციანმა შეიარაღებულმა ჯგუფმა სოფ. გოგოფში შაქრო აბაშაძის ოჯახი დააყაჩაღა.

—ძველ დროში გვიპირებენ დაბრუნებას თუ რა ხდება. რატომ გაეხდით ასე დაუცველები?—ამბობდნენ მოქალაქეები.

სოფ. გოგოფში შაქრო აბაშაძის ოჯახში ასლობლები და მეზობლები იყვნენ შეკრებილი. ოჯახის წევრები ოზურგეთის პოლიციაში იყვნენ დაკითხვაზე. ასლობლები ამბობდნენ, რომ მათ მომხდარზე ზუსტი ინფორმაცია არ ჰქონდათ, მაგრამ იცოდნენ, რომ საღამოს 8 საათზე 4 ავტომობილთა შეიარაღებული პირი შევიდა შაქრო აბაშაძის ოჯახში. ამ დროს სახლში იმყოფებოდნენ თავად შაქრო აბაშაძე, ვაჟი ვია და რძალი მაცყალა.

დაუზუსტებელი ინფორმაციით, ვია აბაშაძემ ერთ-ერთ მომხდურს ავტომობილი წართვა, მაგრამ მეორემ ავტომობილის კონდახი ჩაარტყა. მომხდურებმა ოჯახის წევრებს მობილურები ჩამართვეს და „მაგთი ფიქსის“ ტელეფონს ყურმილი გადუჭრეს.

ბოროტმოქმედებმა კონკრეტულად რა წაიღეს, ასლობლებს არ დაუკონკრეტებიათ. ისინი ოჯახიდან ია აბაშაძის კუთვნილი „მერსედეს-190“-ით წაიღებდნენ. ეზოდან გასვლისას მათ მეზობლიდან მომავალი შაქრო აბაშაძის შეიღობილი, 22 წლის შაქრო შეხვდათ, რომელიც ასევე „გასკოჩეს“.

პოლიციამ მომხდარის შესახებ ინფორმაციის მიღებისთანავე გაატარა გარკვეული ოპერატიული ღონისძიებები და წაყვანილი ავტომობილები სოფ. დვბაზუს ტერიტორიაზე, შალვა რადიანის სახლ-მუზეუმის მიდებარე ტერიტორიაზე იპოვეს.

ჯერ-ჯერობით, აღნიშნული ყაჩაღობის საქმის განხილვის შესახებ ინფორმაცია არ გავრცელებულა. რედაქციამ პოლიციიდან ინფორმაციის მიღება ვერ შეძლო, „ალიონის“ სატელეფონო ზარს არ უპასუხა შინაგან საქმეთა სამინისტროს პრესსამსახურმა. ბოლო ინფორმაციით, პოლიციამ რამდენიმე ეჭვმიტანილი დააკავა.

რაც შეეხება შაქრო აბაშაძის ოჯახს, იგი კარგი ავტორიტეტით სარგებლობს სოფელში. არის უადრესად შრომისმოყვარე და ოჯახის წევრებიდან მხოლოდ 54 წლის ვია აბაშაძე მუშაობს ბუფეტსზე. დანარჩენი მათი შემოსავალი ოჯახური მეურნეობაა. მეზობლები შეწუხებული იყვნენ მომხდარით და პოლიციისაგან სწრაფ რეაგირებას ელოდებიან.

## IRI-ის კვლევების მიხედვით, სანდოობის რეიტინგში გაზეთი "კვირის პალიტრა" ლიდერობს



(ინტერპრესნიუსი, 08.12.2012) – საერთაშორისო რესპუბლიკური ინსტიტუტის, IRI - ის კვლევების მიხედვით, სანდოობის რეიტინგში გაზეთი "კვირის პალიტრა" ლიდერობს.

კითხვაზე, ყველაზე მეტად რომელი ქართული გაზეთის ახალ ამბებსა და პოლიტიკურ ინფორმაციას ენდობთ, პასუხები ასე გადანაწილდა: პირველად არჩევანში „კვირის პალიტრას“ 43 პროცენტი აქვს, მეორედ არჩევანში - 50 პროცენტი.

„ასავალ-დასავალს“, შესაბამისად, 12 და 17 პროცენტი; „ალია“ - 4-7 პროცენტი; „ქორნიკა“ - 3-5 პროცენტი; „რეზონანსი“ - 2-4 პროცენტი; „სახლი თაობა“ - 2-3 პროცენტი; „გურია ნიუსი“ - 1-2 პროცენტი; „საქართველოს რესპუბლიკა“ - 1-1 პროცენტი; „აჭარა“ - 0-1 პროცენტი; „პრაიმტიმისი“ - 0-1 პროცენტი; „ალიონი“ - 0-1 პროცენტი; „24 საათი“ - 0-1 პროცენტი; „ბათუმელები“ - 0-1 პროცენტი; „გურიის მთაბე“ - 0-1;

„ინტერპრესნიუსისთვის“ საერთაშორისო რესპუბლიკური ინსტიტუტის (IRI) კვლევების შედეგები ქართულ პრესასთან დაკავშირებით დღეს გახდა ცნობილი. ამავე კვლევების მიხედვით, რეგულარულად კითხვად ქართულ გაზეთებშიც გაზეთი "კვირის პალიტრა" ლიდერობს - 68 პროცენტით.

არსებული ინფორმაციით, გამოკითხვა 27 ოქტომბრიდან 11 ნოემბრამდე პერიოდში ჩატარდა. გამოკითხვა 4 ათასი რესპონდენტი 18 წელს ზემოთ.

## ლანჩხუთში პოლიციის ახალი შენობა გაიხსნა



ლანჩხუთში შინაგან საქმეთა მინისტრმა ვანო მერაბიშვილმა ბავშვებთან ერთად, გამჭვირვალე და თანამედროვე ტექნიკით აღჭურვილი შენობა გახსნა.

პოლიციის შენობის გახსნის ცერემონიას გურიის სამხარეო რწმუნებული ვალერი ჩიტაიშვილი, ლანჩხუთის მაჟორიტარი დეპუტატი ვია გოგუაძე და ადგილობრივი ხელისუფლების წარმომადგენლები ესწრებოდნენ.

შენობის გახსნამდე შს მინისტრი, ეროვნული ბანკის პრეზიდენტი გიორგი ქადაგიძე, და საპარლამენტო უმრავლესობის ლიდერი გოკა გაბაშვილი მუნიციპალიტეტის საჯარო სკოლების უფროსკლასელებს შეხვდნენ.

rustavi2.com

## პროკურატურა შემირიგებულ ოჯახს ციხრუსის დაბინავებაში დაეხმარა



პროკურატურის „საზოგადოებრივი პროკურატურის“ ფარგლებში ოჯახში პროკურატურა სოფ. ნატანაში, დონაურში შვილიშვილის ოჯახს ციხრუსის დაბინავებაში დაეხმარა.

## ოგურბეთის მუნიციპალიტეტის ბიუჯეტი დამტკიცდა

ნუგზარ ასათიანი



55 წუთიანი ლოდინის შემდეგ, პარასკევს საკრებულოს სხდომა დაიწყო. სხდომის დაგვიანების მიზეზი უშუქობა იყო. ზუსტად ეს დრო დასჭირდა აენერგო პრო გლორვიას ოზურგეთის მომსახურების ცენტრს პრობლემის მოსაგვარებლად. სხდომას დეპუტატთა უმრავლესობა დაესწრო. ოპოზიციიდან სრულად ესწრებოდნენ ფრაქცია „ქრისტიან-დემოკრატები“. არ ესწრე-

ბოდა ლელა ნაცვალაძე, ხოლო „თავისუფალი დემოკრატებიდან“ დეპუტატ თემურ სალუქვაძეს კენჭისყრაში მონაწილეობა არ მოუღია. სხდომას არასამთავრობო ორგანიზაციები არ დასწრებიან.

საკრებულოს სხდომამ სამი საკითხი განიხილა: აქედან პირველი ორი საკითხი 2011 წლის ბიუჯეტში ცვლილებებს და დამატებებს მიეძღვნა.

როგორც გამგეობის საფინანსო განყოფილების უფროსმა ლია ქათამიძემ განაცხადა, 2011 წლის ბიუჯეტის სამომსავლო ნაწილი შესრულებულია და წლის ბოლომდე ბიუჯეტში დამატებით მობილიზებული იქნება 328 300 ლარი.

გზ-2

გზ-2



# ოზურგეთის მუნიციპალიტეტის ბიუჯეტი ღამტკიცდა



მიღებული შემოსავლებიდან დაფინანსდება:

უკიდურესად შეჭირვებულ მოქალაქეთა საახალწლო ნობათი— 10000 ლარი; მრავალშვილიანი ოჯახების დახმარებები—12100 ლარი; სპორტსკოლა—500 ლარი; კომუნალური მომსახურების ცენტრი—7300 ლარი; მუზეუმი—2700 ლარი; თეატრი—7100 ლარი; საბავშვო თეატრი—3400 ლარი; არქივი—3000 ლარი; მარულა—7000 ლარი; საფეხბურთო კლუბი „მერცხალი“—17000 ლარი; სოფლის მეურნეობის ხელშეწყობისა და დასაქმების ცენტრი—3500 ლარი; მუნიციპალური ტრანსპორტი— 2700 ლარი; მოსწავლე-ახალგაზრდობის სახლი—3200 ლარი; საჩოგბურთო სკოლა—1200 ლარი; ბიბლიოთეკა—1900 ლარი; მასშველები—3300 ლარი; კულტურის ცენტრი—19600 ლარი; კულტურის და დასვენების პარკი—2700 ლარი; კეთილმოწყობისა და არქიტექტურული დაგეგმარების ცენტრი—3400 ლარი; სამხედრო სამსახური—2800 ლარი; დასუფთავება—76500 ლარი; სახანძრო—1000 ლარი; ბაღები—80000 ლარი; გამგეობა—17500 ლარი (მ.შ. პრემია 15500 ლარი); განათლების ხელშეწყობა—7000 ლარი; გომისმთა—400 ლარი; სოც. კულტურული ღონისძიებები—2135 ლარი; საკრებულო—20400 ლარი; სპორტის განვითარების ანალიტიკური და მეთოდური დახმარების

ცენტრი—1500 ლარი; რაგბის კავშირი—325 ლარი; სპორტის ცენტრი—320 ლარი; ურეკის კულტურის სახლი—320 ლარი; საკრებულოს თავმჯდომარე ალექო მამუშვილმა განმარტა, რომ დასუფთავების სამსახურზე გასაცემი 76500 ლარიდან 47 ათასი ლარი სავაჭვზე ფასთა სხვაობაა, რადგან დიზელის სავაჭვი 2011 წლის დასაწყისიდან 1 ლიტრის ღირებულება 1 ლარი და 92 თეთრიდან 2 ლარსა 20

თეთრამდე გაიზარდა. ასკანის მაგორიტარმა დეპუტატმა ლევან ნინიძემ საკრებულოს თავმჯდომარეს სოფლებზე მუნიციპალიტეტიდან შეპირებული 500 ლარით დახმარების შესახებ შეახსენა, რაზედაც მიიღო პასუხი, რომ ქალაქიდან სოფლებში ლაპიონები გადანაწილდება. ალექო მამუშვილის თქმით, ერთ-ერთმა დეპუტატმა (იგულისხმა ლელა ნაცვალაძე) განაცხადა, რომ არ იცნობდა ბიუჯეტის პროექტს, რითაც მან თავისი თავი წარმოაჩინა. რაც შეეხება 2012 წლის ბიუჯეტის პროექტს იგი ვიზუალურად კარგად წარმოადგინეს და მუნიციპალიტეტის გამგებელმა ილია ვაშაყმაძეს მის დეტალურად წარმოსადგენად 2 საათი დასჭირდა. 2012 წელს ბიუჯეტის შემოსავლები 9692.4 ათას ლარს შეადგენს, მათ შორის გადასახადები 2380.0 ათას ლარს.გრანტები—7312.4 ლარს; გადასახადები (ხარჯები)—9692.4 ათას ლარს. ბიუჯეტის განხილვამ წყნარად ჩაიარა. როგორც ბიუჯეტი აჩვენებს, საარჩევნოდ საბიუჯეტო ორგანიზაციებში კვლავ ახალი შტატები გაჩნდება. — იყო ასეთი რეპლიკაც.

## ბიუჯეტის განხილვაზე

**ნიკო ნიკოლაიშვილი**

დემოკრატიული ჩართულობის ცენტრში ბიუჯეტის განხილვა მოეწყო. განხილვას უზრუნველსტით თეა იოსელიანი უძღვებოდა. საფინანსო სამსახურის უფროსმა ლია ქათამიძემ მოკლედ ჩამოთვალა ის ციფრები, რომლებზეც დასაყრდენი იქნა აღნიშნულ ბიუჯეტში. „ქრისტიან დემოკრატიული“ პარტიის ოზურგეთის ორგანიზაციის თავმჯდომარე კახა ღლონტმა ვეტერანთა სოციალურ პაკეტში ცვლილებების შეტანის საჭიროებაზე, ხელისუფლების მხრიდან, ტუბერკულოზით დაავადებულთა გადასაყვანი ხარჯების ანაზღაურებაზე ისაუბრა. დეპუტატ ლელა ნაცვალაძის გამოსვლა საბიუჯეტო ორგანიზაციებში გაბერილ შტატებს შეეხო და აღნიშნა, რომ საბიუჯეტო ორგანიზაციები გადაჭედვითაა შტატებით, რომელთა არსებობა არანაირ საჭიროებას არ წარმოადგენს და ბევრი მათგანი მხოლოდ ჩინოსანთა ცოლების დასასაქმებლად შეიქმნა. ნაცვალაძე აიპიების მუშაობასაც შეეხო და აღნიშნა, — დღეისთვის მუშაობს მხოლოდ სკოლაზე დასაქმების ცენტრი, დანარჩენი კი საკრებულოს ყოფილი

წევრების დასასაქმებლად შეიქმნა. ირაკლი პაპავას თქმით, (სდგკ) მართალია ვადები დაკული იქნა, მაგრამ საკრებულოდან შესწორებული ვარიანტის გადაგზავნის შემდეგ უნდა დაწყებულიყო ბიუჯეტის საჯარო ადმინისტრაციული წარმოება. მანვე მოითხოვა დაზუსტება ამხანაგობების არსებობის საჭიროებისა. „საიას“ წარმომადგენელი ქეთი თოიძე ადგილობრივი ბიუჯეტიდან პოლიციის დაფინანსების საკითხს შეეხო, რაზედაც გამგებლის პასუხმაც არ დააყოვნა — პოლიციისთვის გამოყოფილი ფინანსები კანონიერია. პოლიცია იმ დონეზე მუშაობს, ახლა მანქანების დაკეტვა საჭირო აღარ არის. გამგებელს საქონლის განხილვებზე ქურდობის ფაქტები შეახსენეს. „თავისუფალი დემოკრატებიდან“ გელა ბურჯანაძემ აღნიშნა, ხშირად ერთმანეთში არეული სოფლის განვითარებისა და სოფლის მეურნეობის განვითარების პროგრამები. მანვე დასვა კითხვა, იგეგმება, თუ არა მომავალ ბიუჯეტში სოფლის მეურნეობის განვითარებისათვის თანხის ავანსად გაცემა, რასაც შემდეგ გადაიხდის ფერმერი, და არის თუ არა ასევე გათვალისწინებული ამერიკულ პეპელასთან ბრძოლის თანხები. მუნიციპალიტეტის გამგებელმა მედიისთვის გამოყოფილ თანხებზეც ისაუბრა. „ალიონის“ შეკითხვას, დაგეგმილი, თუ არა ცვლილება მედიისთვის გამოყოფილი თანხის გადანაწილებაში, უპასუხა, რომ თანხა მედიაში შესყიდული ადგილის მიხედვით გადაირიცხა, რისთვისაც ჩატარდა ტენდერი (!)

# პროკურატურა შემირეგულ ოჯახის ციფრების დაბინავებაში დახმარა



უშუალოდ პროკურორმა კახა კოჩივარმა ზემო ნატანების საჯარო სკოლის მოსწავლეებთან ერთად 78 წლის რემონტის შედეგად ციფრების ბაღში 600 კილოგრამი ციტრუსი მოკრიფეს. პროკურორმა თავად მისცა მაგალითი მოსწავლეებს. მოსწავლეებთან კი XI კლასელები გიორგი და ერეკლე კვაჭანტირაძეები, IX კლასელი ტარიელ პატარაია გამოირჩეოდნენ. აქციის დასრულების შემდეგ კახა კოჩივარმა ურუნალიტეტთან განაცხადა: —სოფ. ნატანებში შევარჩიეთ შევლიძეების ოჯახი, რომელსაც მოსავლის დაბინავებაში დახმარება სჭირდებოდა. პროკურატურას სხვადასხვა პროექტი აქვს, ამჟამად ასეთი სახის პროექტებს ვახორციელებთ. გვაქვს

სხვა სახის პროექტები, რომლებსაც გაწერილი გეგმის მიხედვით განვახორციელებთ. მოსავლის აღებაში მონაწილე ზემო ნატანების საჯარო სკოლის მოსწავლეებს

## თემურ სალუქვაძე ხელისუფლებას ზვრემალას მოსახლეობის პრობლემების მოგვარებისკენ მოუწოდებს

— ბნ ირაკლი ალასანიასთან ერთად, ჩვენ გვეკონდა შეხვედრა წვერმალას მოსახლეობასთან. ეს ადამიანები არიან სრულიად მიტოვებული, გაურკვეველ მდგომარეობაში. ერთ დროს მდიდარი მეციტრუსების მეურნეობა, სადაც მოსახლეობის უდიდესი ნაწილი იყო დასაქმებული და უზრუნველყოფილი, დღეს უმუშევარი და შემოსავლების გარეშეა დარჩენილი. გაუგებარია ხელისუფლების პოლიტიკა ციტრუსის კულტურის ქვეშ არსებული მიწის ნაკვეთებთან მიმართებაში. ერთადერთი, რაც ხელისუფლებამ, ისიც არჩევნების წინ, ნაწილობრივ მოაგვარა, განათების საკითხი.— ეს განცხადება გურიის თავისუფალი დემოკრატების ლიდერმა თემურ სალუქვაძემ გასული კვირის ოთხშაბათს გამართულ პრესკონფერენციაზე გააკეთა და ხელისუფლებას ამ დასახლებისადმი მეტი ყურადღებისკენ მოითხოვა.



ჩვენ, „თავისუფალი დემოკრატები“ მივმართავთ ხელისუფლებას და მოვითხოვთ ყურადღება მიაქციონ წვერმალას მოსახლეობას, გადაუწყვიტონ ის ელემენტარული პრობლემები, რაც ჩვენი შეხვედრის დროს გამოიკვეთა. 1. ბინების სახურავი არის სასწრაფოდ შესაკეთებელი. განსაკუთრებით ზამთრის პირობებში იქ გაუსადიისი მდგომარეობაა. მოუწოდებთ ხელისუფლებას, რომ გამოიჩინოს ადამიანურობა და სასწრაფოდ შეუკეთონ მოსახლეობას სახურავი. 2. წყლის საკითხი, რომელიც არ არის დიდ ხარჯებთან დაკავშირებული. ჩვენი ინფორმაციით იქ ერთი ჭაბურღილია გასაკეთებული და უკვე არსებულ ავზთან მისაყვანი.

3. მოსახლეობა ითხოვს არაპრივატიზებული მიწის ფართობების საკუთრებაში გადაცემას. გვესმის, ეს საკითხი არის ძალიან მნიშვნელოვანი. გაუარესებლად ამის გაკეთება დაუშვებელია. წინადადებით შევდივართ: დავიწყოთ კონსულტაციები ამ მიწის პრივატიზაციასთან დაკავშირებით, რათა წვერმალას მოსახლეობას გაუჩნდეს ელემენტარული შემოსავლის წყარო. გამოისვლელმა თემის საკრებულოს დეპუტატს ვაბა მიქაბერიძესაც შეახსენა თავისი მოვალეობა. — საკუთარი ამომრჩევლების ინტერესების დაცვა, ეს მისი ვალდებულებაა. მოვითხოვთ, სასწრაფოდ ჩაერთოს ამ პროცესებში და აქტიური მონაწილეობა მიიღოს აღნიშნული პრობლემების გადაჭრაში.

## „ამ პრთხელ მაინც თუ მოხვალ კიდე მოსვლის სურვილი აუცილებლად გაგიჩნდება“

**მარი კოძოვაძე**

ოზურგეთის შეზღუდული შესაძლებლობების მქონე პირთა სარეაბილიტაციო ცენტრმა კვარტეტ „გამას“ უმასპინძლა. ასოციაციის ბენეფიციარებმა და პროფესიონალმა მომღერლებმა ერთობლივი კონცერტი მოაწყვეს. ქართული და უცხოური სიმღერები ერთმანეთს ენაცვლებოდა. თითოეულის შემდეგ მაყურებელი აპლოდისმენტებს არ იშურებდა. სიმღერა შეასრულა „გამას“ ერთ-ერთი წევრის, მაცაცო ვაშაყმაძის აღზრდილმა, ლევან კვიციანიძემ, რომელიც ამჟამად ბათუმის რუსთაველის სახელობის თეატრში მღერის. როგორც კვარტეტის წევრებმა გვითხრეს, ეს კონცერტი მათი პირველი შეხება არ იყო ასოციაციის ბენეფიციარებთან. „აქ პირველად არ ვართ. შარშან კონცერტზე ბავშვებთან ერთად ორი სიმღერა შევასრულეთ. მას შემდეგ ყოველთვის გვიხარია მოსვლა. საოცრად თბილად გვხვდებიან. აქ ერთხელ მაინც თუ მოხვალ, კიდევ მოსვლის სურვილი აუცილებლად გაგიჩნდება“ —ამბობენ ისინი.



კვარტეტ „გამას“ წევრები არიან მაცაცო ვაშაყმაძე, ელენე ვაშაყმაძე, ნათია ონიანი და ხათუნა მჭავანაძე. კვარტეტმა ამჟამინდელი სახე ერთი წლის წინ მიიღო. მის შექმნას 1999 წელს ჩაეყარა საფუძველი, როცა ბიძაშვილებმა, მაცაცო და ელენე ვაშაყმაძეებმა ერთად სიმღერა გადაწყვიტეს. 2003 წელს მათ შესაძლოა შეემატა. 2010 წელს კი კვარტეტმა დღევანდელი სახე მიიღო. მათ რეპერტუარში შედის გალობა, ხალხური და საესტრადო სიმღერები, მათ შორის უცხ-





# ჯუბერ ლეჟავა ოზურგეთის სტუმრობდა



ოზურგეთელი ბავშვები ცნობილი სპორტსმენისა და მოგზაურის, გინესის მრავალჯონ რეკორდსმენის, ჯუბერ ლეჟავას წიგნებს, ჟურნალებსა და პროგრამებს გაეცნობიან, სადაც მისი მოგზაურობების შესახებაა მოთხრობილი. ამის შესახებ, თავად ავტორმა, გასული კვირის ხუთშაბათს, ოზურგეთში სტუმრობისას გვაცნობა.


„მე მივიღე რეკომენდაციები განათლების სამინისტროდან, რომ სკოლებში შევიტანო ჩემი წიგნები, ჟურნალები და პროგრამები. ბავშვებს გავაცნო ჩემი ნაშრომი იმ მოგზაურობების შესახებ, რაც მე მომეწვევდა წლების მანძილზე. თბილისის სკოლებში უკვე შევიტანე წიგნები“ – გვითხრა ლეჟავამ.

როგორც ჯუბერ ლეჟავა ამბობს, დედაქალაქის სკოლებში უკვე ეცნობიან მის ნაშრომებს. რაც შეეხება ოზურგეთს, ჩვენს ქალაქში მოგზაურობის სტუმრობის მიზანი იყო შეხვედროდა ოზურგეთის რესურსცენტრის ხელმძღვანელს, ირინა ინარიძეს და შეთანხმებოდა სკოლებში წიგნების შეტანასა და ამასთან დაკავშირებულ სხვა საკითხებზე.

ლეჟავას თქმით წიგნები ოზურგეთის სკოლებში უახლოეს მომავალში შევა.

# ოზურგეთელია „არწივებმა“ ბათუმის „დელონს“ სკოლის

ოზურგეთის „არწივებმა“ უკვე დაიწყო 2012 წლის სეზონისათვის სამზადისი. მათ ამხანაგურ მატჩში ბათუმის „დელონს“ უმსაბინძლეს, რომლებიც I ლიგაში გადასასვლელად ემზადებიან.



გიორგი კალანდაძე

როგორც კლუბის პრეზიდენტმა ზვიად უნიკაძემ გვითხრა, იგი 1992 წლიდან ბათუმის „დელონსში“ თამაშობდა და მრავალჯონ იყენებდა საქართველოს პრიზიორი რაგბიში. აქ ახლა გუნდს ზვიადის თანაგუნდელები ხელმძღვანელობენ და მათ „არწივებთან“ ამხანაგური შეხვედრები დაგეგმეს.

პირველ შეხვედრაში ზვანის სტადიონზე ბათუმელები ყოფილ „დათვების“ მორაგბეებით იყენებდნენ დაკომპლექტებულნი. „არწივებიც“ გადახალისებული გუნდით დაუპირისპირდნენ მეტოქეს, სადაც ჭარბობდნენ „მ“ ლიგის მოთამაშეები. განსაკუთრებით კარგად ითამაშა 16 წლის გიორგი კალანდაძემ, რომელმაც ორი ლელო დაულო მოწინააღმდეგეს. ოთიკო მტავიამ ორი ჯარიმა და ორი გარდასახვა შეასრულა. თავი გამოიჩინეს ასევე გორა კალანდაძემ, ლევან შათირიშვილმა, ზურაბ ბიბინიძემ, ლევან კოჩიაშვილმა, გიორგი ლლონტაძემ, გიორგი ტულუშვილმა, ბექა გოლიაშვილმა, ზურა ჟორჯოლიანი და სხვებმა. ოზურგეთელებმა 34:22 სძლიეს „დელონსს“.

„დელონსთან“ მორიგი ამხანაგური მატჩი ზვანის სტადიონზე 15 დეკემბერს გაიმართება, ხოლო საპასუხო 25 დეკემბერს – ბათუმში.

ზვიად უნიკაძე მადლობას უხდის გუნდის გულშემმატკივრებს, რომელთა თანადგომით, ბევრ პრობლემას აგვარებენ. მადლობის ადრესატები არიან შპს „ვასაძის პურის“ ხელმძღვანელი ბიძინა ვასაძე, ინდემწარმე ვასილ ბემილაშვილი, შპს „გურია ექსპრესის“ („კულისტანი“) ხელმძღვანელი სავამ თურქსალი. ოზურგეთის „პირველი სავაჭრო სახლის“ ხელმძღვანელი ირაკლი სირაძე და „ოზურგეთიულდის“ ხელმძღვანელი ამიკო როყვა.

# დათო ცეცხლაძე



ერთი წელი გასულა დათო... ჩვენთვის კი – ყველაფერი გუშინ მოხდა. ახლა უფრო გვენატრები და ჰაერივით გვჭირდება. არ ყოფილა მართალი, რომ ამბობენ, დრო ყველაფრის მკურნალიაო. დრო აუჩუქებს ტკივილს, მაგრამ ვერ გვახვეწებს საყვარელ ადამიანს. მონატრებაზე საშინელი არაფერი ყოფილა. დღესაც გელოდება შენი მშობლები, შენ ხომ მათი საუკეთესო შვილი იყავი. ძალიან გვიჭირს შენზე წარსულში საუბარი. არც ჩვენ და არც შენ, შენი ავადმყოფობის შესახებ არაფერი არ იცოდა, არადა, თურმე როგორ გიჭირდა... ნეტავი ჩვენზე მეტად გტკიოდა, რასაც უშენობა ჰქვია?

არა, მაინც ვერ ვივარებთ, როგორ შეგეუე უჩვენობას? როგორ გვეამაყებოდა შენი სიცოცხლე, როგორც ძმის და მეგობრის. ბუნებით თავმდაბალი, თავაზიანი, მუდამ მართალი და ალალი იყავი. სიტყვატყუნი, მაგრამ შენი იუმორი როგორ გიხდებოდა. როგორ მოგვენატრა შენი თამალობა, რამდენი წველის ბედნიერება დაგილოცავს.

რა უღმობელი ყოფილა წუთისოფელი... ადრე სიხარულით მივიჩქაროდით მაკვანეთში, ახლა აღარა, რადგან, ვიცით არ შეგვეგებება ჩვენი „ბუნწულა“ ძამიკო. სახლში ისევ შენი სითბო და სურნელება ტრიალებს. თითქოს შენი მძიმე, ნელი ნაბიჯების ხმა ჩამესმის, კარები იღება... და შენთვის ჩვეული ღიმილით კითხულობ: „ეს თქვენ ხართ, „მარო“ და „ჯაურა“?“ – ასე გვეძახდი მე და მანანას... ერთი წელია გვენატრება შენი სიკეთით სავსე თვალები.

მოურჩენელი ტკივილი დაგვიტოვე შენი ნაადრევი წასვლით. იქნებ ასე წელი იცოცხლოს კაცმა, მაგრამ ვერ შეძლოს ის, რაც 53 წლის განმავლობაში შენ შეძელი. ეს ჩვენი არც ნუგეშია და არც დიდება.

ცხოვრობდა ამ ქვეყნად ერთი კაცური კაცი, რომელიც აღარ ამშვენებს თავის ოჯახს, მეუღლეს, შვილებს, ნათესავებს, მეზობლებს, მეგობრებს და სოფელს.

ერთი წელია ვეღარ ვხედავთ დათო ცეცხლაძის მოკრძალებულ ღიმილს და სალაშს.

...მაგრამ ის ყოველთვის ჩვენთან არის... სიცოცხლეც ხომ სიკვდილის გარეშე არ არსებობს.

ვიყვარხარ, გვენატრები უსაშველოდ.

# აჭარის ღია პირველობაში

ხელვაჩაურში ჩატარდა აჭარის ღია პირველობა ბერძნულ-რომაულ ჭიდაობაში 1996-1997 წლებში დაბდებულ ჭაბუკებს შორის, სადაც წარმატებით გამოვიდნენ ოზურგეთის სასპორტო სკოლის წარმომადგენლები. 32, 42, 47, 66 კგ. წონით კატეგორიებში ფინალში გავიდნენ შოთა საღარაძე, ზურაბ ირემიძე, კახა ირემიძე, მამუკა ესაძე, ვლადიმერ ქინქლაძე. ამთვან ოქროს მედალი კახა ირემიძემ მოიპოვა, დანარჩენებს ვერცხლის მედალები ერგოთ. 38, 47, 73 კგ. წონით კატეგორიებში III საპრიზო ადგილზე გავიდნენ ერეკლე ბაბილოძე, ნიკა ხეცურიანი, ევგენ ლლონტი.


გუნდი მოამზადეს მწვრთნელებმა ძმებმა მაჭარაშვილებმა, ვაია ბაქინიძემ, თენგიზ ლაბაძემ, კახა აბაშიძემ.

# იყიდება

დაბა ურეკში, საუკეთესო ადგილას, ავტოსადგურთან, ზღვისთან ახლოს, იყიდება ნ-ოთხიანი ხის სახლი, (თავისი სამზარეულოთ, აბანოთ), საკარმიდამო ნაკვეთთან ერთად. ეზოში არის არტეზიული ჭა.

მსურველმა დაგვიკავშირდეს: (597) 76 59 22 (იკითხეთ თენგი).

# სოსო ქუთათელიაძე



შარშან, 59 წლის ასაკში, მძიმე ავადმყოფობის შემდეგ, ოზურგეთის კიდეც ერთი ღირსეული და ერთგული გულშემმატკივარი კაცი დააკლდა – სოსო ქუთათელიაძე.

ვინც სოსო ქუთათელიაძეს იცნობდა, იცოდა, როგორ პასუხისმგებლიანი პიროვნება იყო იგი. ლაითურელთა გულშემმატკივარი, ამ დაბის სასიკეთო საქმეებზე გადავებული.

თავად ლაითურელი, უმაღლესი განათლების მიღების შემდეგ მრავალ საპასუხისმგებლო თანამდებობაზე მუშაობდა; იყო ლაითურის მუერნობა-ტექნიკუმის III და V აგროგანყოფილების ხელმძღვანელი, დაბის ახალგაზრდების ლიდერი, ანასეულის ინსტიტუტის მეცნიერთანამშრომელი.

სოსო ქუთათელიაძე წლების მანძილზე მუშაობდა საქართველოს შინაგან საქმეთა ორგანოებში. იყო ოზურგეთის მილიციის განყოფილების უფროსი; შემდეგ კვლავ თანამდებობებზე მუშაობდა აბაშის, ჩოხატაურის მილიციის რაიონულ განყოფილებებში. შინაგან საქმეთა ორგანოებიდან თადარიგში კაპიტნის ჩინით გავიდა. შემდეგ იგი დაბა ლაითურში ხელმძღვანელობდა ადგილობრივ თვითმმართველობას. უნდა

ითქვას, რომ იგი თავის ცოდნას და ავტორიტეტს ახმარდა დაბაში არსებულ პრობლემების მოგვარებას. მის სახელს უკავშირდება დაბაში სულთმოფენობის ტაძრის მშენებლობა, რომელიც ახლა დასრულების სტადიაშია.

ლამაზი ოჯახი ჰქონდა სოსოს. მეუღლე ლილი მელუა-კავშირგაბმულობის მუშაკი; შვილები რევაზ და ნათია ქუთათელიაძეები, თავიანთი ლამაზი ოჯახებით. სოსოს სახელს ატარებს შვილიშვილი – პატარა სოსო ქუთათელიაძე.

გულდასაწყვეტია, რომ ამქვეყნიდან ნაადრევად წავიდა კაცი, რომელსაც კიდეც ბევრი კეთილი საქმის გაკეთება შეეძლო.

# ნოე (ჯამბული) სურგულაძე

ერთი თვე გავიდა იმ უბედური დღიდან, მოულოდნელად რომ ჩაკვდა შენი სილამაზე და ვაჟკაცობა.

სიცოცხლით სავსეს, შენ სიკვდილზე არ გიფიქრია. ან რად იფიქრებდი, ვერ ხომ 55 წლისა იყავი და შრომაზე შეგვარებული, სასიკეთო საქმეებზე ოცნებობდი. ტრაგიკულმა შემთხვევამ გიმსხვერა პლა და გამოგასალმა წუთისოფელს.

საუკუნოდ წახვედი ჩვენგან, დატოვე დამწუხრებული დედა-მერი, შვილებზე მზრუნველობით სავსე ქალი, მოსიყვარულე მეუღლე – ქეთინო, შვილები მაიკო და ნანა, შვილიშვილები ნინო და ლიზი, ასე ძალიან რომ იღვწოდი და ოცნებობდი მათ მომავალზე. ვჯერა, შენს ნაამბავარს ისინი სათუთად შეინახავენ და შენს სიყვარულს სიცოცხლის ბოლომდე გულთი ატარებენ.

დაგვტოვე დები, სამწუხაროა, რომ ერთადერთი ძმა გვყავდი, შენით ვამაყობდით და ვხარობდით. ჩვენ ხომ ერთ ოჯახად ვითვლებოდით, ჭირისა და ლხინის მოზარეს ერთი საწუხარი გვქონდა. ასეთ დროს შენ ყოველთვის ჩვენს გვერდით იყავი და გვიმსუბუქებდი მდგომარეობას.

იყავი ბუნებით, სახით და ტანით ლამაზი. გიყვარდა იუმორი, თესლი სიკეთეს. დახმარებას უწევდი შეჭირვებული ოჯახის შვილებს. სადაც კი გიმშუავია, ყველგან კეთილსინდისიერისა და სიწმინდის სახელით სარგებლობდი. შენი სამყარო სავსე იყო სიყვარულის გრძობით და შეგეძლო მეგობრობა ნებისმიერი ასაკის ადამიანთან. იყავი დიდთან დიდი, პატარასთან – პატარა. გყავდა მეგობრები. ყველა ამ დიდებულ ადამიანურ თვისებებს ასხივოსნებდა შენი მომდიმარი სახე და ვაჟკაცური შემართება.

სიცოცხლე გრძელდება, მაგრამ სევდიანი. გლოვობს სოფელი, გლოვობს ხალხი. გვენატრები ყველას.



შენს პატარა შვილიშვილებს მოაკლდათ შენგან ჩვეული სითბო და სიყვარული. ყოველდღე გელოდებიან. ეზოში შემოსასვლელ კარებს კვლავ ადებენ და ამბობენ: „ბაბუა მოვა მანქანითო...“

ძალიან გვიჭირს ჯაბა უშენობა, მაგრამ რა გეუწოება, უფალმა ასე ინება და ღმერთის რჩეულს განეკუთვნე. ჩვენ ისლა დაგვრჩენია, შენს სახელზე სანთელი ვანთოთ და ვილოცოთ. ვვამბობრებით იმ სურათს, ქორწილში თამადას, ყანწით ხელში მიკროფონი გიჭირავს და სადღეგრძელოს ამბობ. ეს კი ოცოდე, შენი წილხვედრი ჩვენი გულის ნაწილები არასოდეს გათბება. ჩვენს ოჯახებში დაისადგურებს უსაზღვრო მწუხარების გრძობა, შენი სიყვარულის და სიწმინდის სახსოვარი.

ღმერთმა აკურთხოვს შენი სპეტაკი სული იმ მარადიულ სასუფეველში, სადაც უკვდავნი სუფევენ.

ჩვენ სულ გვემანსოვრები, ცოცხლად გიგულებო, ყოველი სუფრის გაშლისას პირველად შენი ხსოვნის სასმისს ავიღებო. შენი სახელი წარუშლელ კვალად დარჩება ჩვენს ოჯახებში.

**ღმბი: ჯამბული, თაიილა სურგულაძეაძე; დის შვილიაძე ოჯახში.**